

مشروع الحكايا والتاريخ الشفوي

ورشة المعارف

٢٠٢٠

الحكواتية: دلال فرح

السلسلة: التجربة المكانية

التاريخ: 21/11/2020

رقم الأرشيف: 20-TMOH-004

نوع الأرشيف: إستخدام محدود

التجربة المكانية	السلسلة/الموضوع الرئيسي
20-TMOH-004	رقم الأرشيف
للاستخدام المحدود - يجب استشارة الحكواتية قبل استخدام هذه المقابلة لأي غرض ثقافي او بحث	نوع الأرشيف
دلال فرح	الحكواتية
غير مذكور	تاريخ ميلاد الحكواتية
21/11/2020	تاريخ ومكان المقابلة
في الجزء الثاني من التاريخ الشفوي مع دلال فرح، تحكي لنا عن الأسباب الكامنة وراء قرارها بأن تغادر لبنان بعد أن عادت اليه وأمضت فيه 10 سنوات من حياتها. تروي عن زيارة بناتها لها وذهابهن إلى سوريا، وتأثير التجربة على فهمهن لتراثها الحضاري. تستذكر دلال تجربة موت إبنتها، خلال سنتها الأولى في لبنان، وكيف تعايشت مع الخسارة واحتفت بحياة ابنتها الراحلة من خلال الفن والرسم. كما تحكي قصة إكتشافها للإلهام الكائن وراء أسلوب فتها الخاص، وتشارك ذكرياتها ومشاعرها وتأملاتها حول تفجير 4 آب.	ملخص التاريخ الشفوي
مع العديد من الأهواء والإهتمامات الشخصية التي تتمتع بها، حصلت يارا أيوب على شهادتي بكالوريوس، واحدة في الفلسفة والأخرى في التصميم الداخلي. منذ عام 2012، وهي ناشطة وعضوة في العديد من المبادرات والمنظمات غير الحكومية. شاركت في العديد من المنصات الوطنية والدولية وهي الآن المدير التنفيذي لمنظمة "من إلى" غير الحكومية.	معلومات عن الباحثة
زينب الديراني	التفريغ
المجتمع الأسترالي، المجتمع اللبناني، تطبيق زوم [zoom]، سيدني، أستراليا، HIV، MENA region، Association for Volunteer Services (AVS) نبتة، أونيسكو، Skype، بشمزين، أردن، جميزة، حلب، مؤسسة الفكر العربية، Regional، NGOs، communication، fundraising، Arab Network Against Aids (RANA) covid، جزائر، وهران، SMS، immune system، شام، Coventry، England، media، electron microscope، stem cells، سكري، epilepsy، & journalism، sci-art، neurons، Bruce Lipton، Morocco، orientalism، Dalalism، meditation، Science، مار مخايل، إنفجار 4 آب، جمعية الستات اللبنانية- الأسترالية، صيفي، فوايه الراهبات، درزية، شيعية، سنية، مارونية، أشرفية، جيران، روشة، seven-، Catholics، Baptists، Bible، Wewak، آسيا، South America، Jehovah's witnesses، day Adventists، (في بابانويغيني)، vaccine، Perth، King's Park، identity loss، أمومة، native plants، Kangaroo's Paw (flower، blackboy (tree)، wild flowers	الكلمات الدلالية

Rights of Ownership for the Storytelling and Oral History Project

The Knowledge Workshop holds full or co-ownership of all items that it archives and publishes. Recordings published on the Knowledge Workshop website can be used only for cultural, educational and non-profit purposes, and never for commercial purposes.

To use the material on our website, including the oral histories and their related images, we ask that you always reference the Knowledge Workshop with: Storyteller's name, interviewed by Researcher's name, Date, The Storytelling and Oral History Project, the Knowledge Workshop, Beirut, Lebanon, page number. [Ex. Nazik Saba Yared, interviewed by Deema Kaedbey, 2017, The Storytelling and Oral History Project, the Knowledge Workshop, Beirut, Lebanon, pp 12.]

To use the limited-use items held within the Knowledge Workshop, you can visit our office in Furn El Chebbak and fill out a permission form. You can use these items inside the Knowledge Workshop space, but we request that you consult with us on which items you can use. Some of these items require permission from the storytellers before being used.

حقوق ملكية لمشروع الحكايا والتاريخ الشفوي

لورشة المعارف ملكية تامة أو مشتركة للمواد التي تؤرشفها وتنشرها. التاريخ الشفوي المنشور على الصفحة الالكترونية لورشة المعارف يمكن استعمالها فقط لأهداف ثقافية وتثقيفية لا تبغى الربح، ولا يمكن استعمالها لأهداف تجارية تبغى الربح.

لاستعمال المواد على صفحتنا الالكترونية، من ضمنها التاريخ الشفوي والصور المرافقة نطلب منكم التنويه بورشة المعارف كمرجع باستعمال: اسم الحكواتية، قابلتها اسم الباحثة، السنة، مشروع الحكايا والتاريخ الشفوي، ورشة المعارف، بيروت، لبنان، الصفحة. [مثلاً: نازك سابا يارد، قابلتها ديمة قائدبيه، ٢٠١٧، مشروع الحكايا والتاريخ الشفوي، ورشة المعارف، بيروت، لبنان، ص. ١٢]

لاستعمال المواد المحددة الاستعمال الموجودة في ورشة المعارف (الغير متاحة على صفحتنا)، يمكنكم القدوم الى مكتبنا في فرن الشباك وتعبئة استمارة الطلب. بالإمكان استعمال هذه الموارد داخل ورشة المعارف، لكن نسألكم ان تستشيرونا عن أي مواد يمكن استعمالها. بعض هذه المواد تتطلب طلب من الحكواتيات قبل استعمالها.

دلال فرح: [00:00:02] سكر التيليفون.

يارا أيوب: اليوم 21 تشرين الثاني 2020، الساعة 11:30 الصبح، مقابلة تاريخ شفوي نسوي مع دلال فرح، الجزء الثاني، لصالح ورشة المعارف. دلال، نحننا من شي شهر تقريباً عملنا أول لقاء لأننا، وحياتي كثير قصص عن طفولتك، وعن أماكن عشتي فيها كل حياتك، وحبينا نرجع نكمل بجزء ثاني، لأنو بعد في كثير قصص أكيد حلوة تنحكي وتشاركينا ياه، إذا فيكي مثلاً تخبرينا، هلّق أنا عرفت إنو إلك تقريباً 10 سنين، رجعتي على لبنان، وهلق قررتي إنو و ترجعي تفلّي، ما بعرف إذا بتحبّي تخبرينا أكثر عن هيدي المرحلة؟ تفضلي

د.ف.: yes Yara, it's count-down for me, and: [00:01:07] يعني، كان كثير قرار صعب إنّي أخده، وقت يلي قررت إنّي إرجع عطول. يعني شهر، بذك تقولي مشّ عم نام، وفكر، و... كان الشّعور مثل كأنو حدا من بناتي صاحن وتاركتهن، تاركة الولد اللّي صاحن، مع إنو ما شي كثير إقدر أعمله أنا هون، مثل ما بتعرفي، السّياسة، وما سياسة، ممم، بسّ هيدا كان الشّعور، إنو هلّق تاركة دلال لبنان بهالحالة؟، anyway، ما كان عندي غير حلّ، ولقيت إنو أنسب شي إنو إترك. 10 سنين، ممم، كانوا amazing، كانوا really, really amazing، عشر سنين، تعرّفت عكثير ناس، من المنطقة لأنو إشتغلنت بمشاريع مع networks بال mena region، الشّي اللّي هلّق عم يخطر براسي--، معلية شي هلّق، كلّ ما بيطلع براسي شي رح قوله، إنو بهال 10 سنين، ما سمعت حدا قلّي I can't afford it، إذا بدنا نجيب شي، يعني هيك كنت إسمع كثير بالغرب، أنا دلال، I can't afford it، شوي وإشترتوا بيت ثاني، كيف you can't afford it؟، يعني، كنت قول "ليه ما بيقولولي " I have different priorities" أنا هلّق ما بدّي إصرف مصريّاتي غ هو، لأنو بدّي إشتري بيت ثاني؟" بفهم، إلك هون بلبنان، مع كلّ التّعثير، ومع كلّ المصايب، ومع كلّ الأشياء اللّي بتصير معهن، بعمرني ما سمعت حدا قلّي "I can't afford it"، ما عندك فكرة قديّه في ناس وقت الكنت عم بنقل، "دلال، نجي لعنا عالجبّل، بتجي لعنا بتقدي عنا بالبيت، عنا أوضة"، I think هيدا اللّي بيحرّكلي شعوري كثير، إنو هالكرم عند العالم، ما حدا كامل، بسّ هيدي كثير كثير تأثرت فيها. رحت عبيوت ناس [تسعل] أصحابي، بتعرفي، في كثار عندهن بيوت بالجبّل، هيدي أروع شغلة عندي، بسّ إطلع على الجبّل، نحوّش تفاح، يما ننزل نقطّف نعنن، و whatever، هالاشيا البسيطة هيدي، بسّ المصيبة، بيعملوا منّها نكتة، يعني بكون في disaster صاير، طايفة الطّرفات، هيدا، شوي بيحطّولك ناس عم يسبحوا بالشّخورة، يمكن survival، يمكن قدّ ما مرق عليهم، إضطروا يعملوها على نكتة، and أنا بدّي إعترف بشغلة، لأنو أول ما جيت، قول هالعالم، يا عمّي، مشّ عم بفهم، كيف بتقبلوا تدفعا فاتورتين كهرباء؟، ولك كيف بتقبلوا تشترتوا مي؟، ما هالاشيا الأساسيّة، هيدي لازم تكون مأمّنتلكن، [يردّوا] "عادي، عادي"، قول أنا يا عمّي ما بيصير هيك، شو عادي عادي يعني؟"، I used to feel very frustrated إنو مشّ عم يعملوا شي، لإجت الثّورة، ونزلت عالثّورة، وجزّيت، وهيدا... ت فهمت إنو الشغلة أكبر منهن، قدّ ما عم بيجزّبو، عم بيشقّطوا بأرضهن، بسّ ما بدّي إقطع الأمل، مشّ عم بيشقّطوا بأرضهن، يمكن هيدا تعبير غلط، عم يحفروا، بسّ كيف الواحد بالحيط بيحفر شوي شوي، شوي شوي، كيف نقطة المي، وقت اللّي بتنزل كلّ يوم، كلّ يوم، لحتّي تعمل هال، الجّورة؟، هيدا اللّي عم بيصير. لقيت إنو يا عمّي، أو كيه، عم ننزل، ونجرب، هيدا بدّي إعتذر فيه من اللّبنانيين، لأنو كنت إنتقد إنو "اعملوا شي!"، طلع إنو أكبر بكثير القصّة، مشربكة كثير، والفساد هالقدّ ال roots تبعوله، جذوره هالقدّ نازلة، إنو بدّها وقت لحتّي ينقبعوا، بقي... ال 10 سنين تركوا كثير أثر كبير عندي، مع إنو مثل ما بتعرفي، تنقلت وعشت ببلدان ثانية، هول أكثر شي تأثرت فيهن، اللّي حبّبت إنو قدرت أعطي، you know، بيقولوا ال basic needs عند الإنسان، واحد منهن هو ال contribution، ووقت اللّي ما يكون في واحد من هال basic human needs محققينها، بيصير في imbalance، بيصير في disease، بيصير في مرض، ممم، بقي بقدر قول إنو بهالقعدة هيدي، ال 10 سنين، I was able to contribute، بسّ عطول، عطول، وبين ما نقلت، ومع مين ما إشتغلنت، بلاقي إنو في أخذ وعطاء، عطيت، بسّ أخذت كثير، علموني الكرم، علموني إنو العطاء مشّ بالمصاري، العطاء بسّ يعطي من حاله الواحد: "تفضلي، ميّلي"، ليكي، أشعر بدني، I, I get very emotional، وقت البحكي هودي القصص، بقي، وفي كثار بيقولولي "مشّ مطوّلة دلال، بكرا بترجعي"، أستراليا عارفة شو ناظرني هونيك، ما بعمرني حسّبت إنو بنتمي للمجتمع الأستراليّ [00:06:07]، ما بعرف إذا كثار متلي العايشين برّا بيحسّوا ذات الشّي، بسّ الحمد لله هلّق، بهال online platforms، هيدا اللّي I think مخليني، مخلي تأثير هالستّرة هيدي تكون أخفّ، إنو أو كيه، بحكي عالزّوم [zoom] مع أصحابي، يعمل اجتماعات، وهو فعلاً في عندي sessions، ثلاثة بدّي أعملهن هون، مع ال women living with HIV، إثنين بدّي أعملهن أنا وبسيدني [Sydney] بال confinement، لأنو رايحة بدّي إنحسب ب five star hotel، على جمعيتين، على حسابي كمان، right؟، ما إلي خيار أيّ هوتيل بدّي نقيّه، هنيّ بينقّوه، and هالقدّ strict، المفتاح تبع ال hotel بيعطوكي ياه one way، بسّ إلك حقّ تقوتي فيه، عأساس بسّ تطلعي، ما بتعوزي المفتاح، بتطلعي-لأنو في واحد

مخبّر ال experience تبعوله- عم بيقول طلع لحتّي يشوف إذا حاطينله الأكل غالباب، بيدقوا غالباب، بيحطّوله الأكل غالباب، بقى طلع لحتّي يشوف، لقي حاطينله ياه حدّ الباب الثّاني، oops، طلع دغري ال security "شو رايح تعمل؟ خلّيك، نحنا منجبك ياه"، بقى بهالأسبوعين رح يكون interesting كمان هيدي، this will add to my experience بعد الرّجعة من لبنان. ممم، [sigh] خبرتّك، ما بعرف إذا خبرتّك، كيف صارت القصّة لحتّي رجعت على لبنان، يعني ما بعرف إذا في شي صدف، يمّا في إشيا بتكون pre-destined، خلص، مكتبلنا هيك. تعرّفت على... سجّلت إسمي على ال newsletter مع ال Association for Volunteers Services، بهيداك الوقت كان في دكتوراة باتريشيا نيّنة هيّي اللي دايرتها، وكانت سابقة وقتها، لأتو كان ما في كثير حكي عن ال volunteering، عملت كتاب- learning to care، and كانت عم تعمل مشاريع مع الأساتذة والمعلّمت من ال MENA region، تجيبهن كلّ سنة، يعملولهن training، وهالأساتذة بيرجعوا كلّ واحد على بلده، بيعلم، أو بيشارك باللي تعلمه، أنا التّطوّع ما بلاقيه فكرة جديدة للبنان، التّطوّع، يعني، الجار بيساعد جارت--جاره، ممم، حدا لقيتيه عالطريق بتساعديه، بسّ هيّي اللي عملته عملته ال volunteer more formal، إتو أنا مشّ إذا ساعدت وحدة صار volunteering, no، في أسس، في قواعد، في steps الواحد بيتابعها، في follow-up، يعني مش ساعدته وخلص يصطفل، هيدا كان الحلو اللي عملته. بقى، إجابني إيميل [e-mail] بتقلّي عاملين 10 the anniversary تبع ال AVS، ومعزومة، قلت أنا هودي، شو معزومة، أنا وين بدّي روح عالونيسكو، أنا بسيدني، المهمّ وقت اللي شفت إسمها "باتريشيا نيّنة"، قلت "يا عمّي، أنا في صاحبتني إسمها نبيلة نيّنة، لأسئلهما إذا بتعرفها"، بتجاوبني الإيميل ثاني يوم، بتقلّي Happy Birthday، قلت "بي، شو عزّفها بعيد ميلادي هيدي؟ بعدي عم بحكي معها، ولا بتعرفني ولا بعرفها"، so طلع إتو إتصلت بنبيلة صاحبتني، طلوعوا جيران ب بشمزين لأتو باتريشيا أميركانيّة مجوّزة لبنانيّ من بشمزين طلعت بتعرفها، نبيلة كلّ هالستين، لأتو كّنّا نشغل سوا بحلب، بعدها منذرّة عيد ميلادي، قالتها "yes"، واليوم عيد ميلادها لدلال"، من هون لهون، قالتلي... شو إسمه، في نحنا، أنا مقدّمة على مشروع مع مؤسّسة الفكر العربي، ناطرة بسّ لحتّي ال board يوافق عليه، تبعطوني ال funding، وبدّي إشتغل على مبادرة على سنتين لتطوير التّطوّع بال MENA، بسّ لحتّي ال board يوافق عليه، تبعطوني ال funding، وبدّي إشتغل على مبادرة على سنتين لتطوير التّطوّع بال MENA، هلّق أنا هون لعب ال-- شو إسمه، يعني، تلخبطت أفكاري، إتو أوكيه، هيدي opportunity لروح علبنان، التّطوّع بحبّه، وبحبّ لبنان، and هيدا اللي خلّاني للحقيقة آخد القرار وإجي على لبنان من 10 سنين، عملتني of course a skype meeting، وال board members حكييت معهن، طلبت مني بتذكّر ترجم مكتوب لأتو العربيّ كنت ناسيته، مش كثير، بسّ ما كنت عاملة practice كثير، قالتلي بتكتبي مكتوب ل الأميرة تبع الأردن، يا ربّي شو كان إسمها، queen... هه، نسيت. المهمّ، بتكتبي مكتوب، بتكتبي بالعربي، وهونيك بقى العرق، وال stress، كيف بدّي إكتبلها إيّاه هيدا لّل... هيدا، so وافقوا، وأخذوني، وهيك صارت القصّة، جيت علبنان بوقتها، ممم، ما عندك فكرة، يعني كيف ولد صغير فوّتيه على محلّ فيو candy وفيو cookies وشوكولا، هيك كنت. and الظاهر كان بيبيّن عليّ إتو "كيفها ماشية؟" منيح اللي ما تفرّكشت شي مرّة وقعتلي بشي جورّة، لأتو ضلّني إتطلع لفق البنابات "ياي، بي"، [00:11:07] نهار الأحد إنزل إتمشّي بالجّميزة وأخذ صور، I was so excited. ممم... خلصوا-- إذا عم بحكي كثير قيلي، وقطّعتني يارا -- and خلص المشروع مع ال AVS, sadly، لأتو كان في personal clashes بين مؤسّسة-- اللي دايرة مؤسّسة الفكر العربيّة وبين باتريشيا، personal personalities يعني ما تتطابقوا، so، للأسف لأتو في كثير ناس إستفادوا، وكان مفروض يكفوا، يعني اللي حضر session هالسنّة، يرجع يجي يخبّر شو طبّق ببلده، ممم، بسّ ما صارت. المهمّ، خلصت من هيدا، طلبوا مني إدخال مع ال network اللي هو RANA Regional Arab Network Against Aids، ممم، وهيدا موضوع ما عندي كثير فكرة عنّه، الأيدز [Aids]، يعني بعرف إشيا كثير سطحيّة، وهيدا. دخلت معهن ك officer تاشتغل عال communication وال fund-raising. كمان هيدا كان an amazing experience، لأتو تعرّفت على ناس من دول عربيّة، سافرت كمان بال training، وكلّ شي، هون between brackets، بسّ بدّي دخّل فكرة، إتو هلّق بسّ إتطلع وبشوف قديش كان ينصرف مصاري على ال training تبع ال NGOs، يعني، ندفعهن ال ticketing نجيب واحد من مصر، واحد من الأردن، واحد من اليمن، واحد لالالا، نحطهن بهوتيل، نعطين per diems، ندفع لل meeting room، ندفع لل trainer، بقول يا عمّي ليش كّنّا نصرف هالقدّ مصاري؟، بقى، ال covid, I think، عملت كثير تغييرات، وفي كثير إشيا صارت للمنيح، مع كلّ ال--ال-- ال negative aspects of covid، بسّ في كثير good aspects، هلّق تصوّري قديّه هالمصاري اللي كانت تنصرف عم تتحطّ للمشاريع بدال ما تتحطّ على هوتيلات وعلى ممم، per diems، وعلى... وبعدين، كان الشخص اللي يروح يحضر هال training، هو إستفاد، أوكيه؟، بسّ يرجع عبده، ما يشارك بهالمعلومات اللي إستفاد منها، للي معه بالمؤسّسة، هلّق عالقيلة ال HIV، وال AIDs، تابو [taboo]، ولا حظت إتو بالبلاد العربيّة في كثير نسوان، الرّجال هو اللي بيعطيها ال HIV، بسّ هيّي اللي بتتهدّش، بتتقلّع من بيتها، بيت أهل جوزها بيبتّلوا يحكوا معها، بدّها تروح تعمل سنانها الحكيم ما بيستقبلها، إذا بدّها تولّد،

يعني، النّسوان بالMENA region، هَلّي معهن HIV، مهمّشين كثير، قلت أنا طبّ في الstigmatization، بسّ هنيّ بيعملوا self stigmatization حالهن، طبّ، كيف بدنا نعمل؟، بقي طلعت بفكرة سمّيتها paradigm shift، الparadigm shift، إوّ، أو كيه، إنت عندك HIV، أو كيه مش آخر الدّني، صار في أدوية فيك تاخدن، أو فيكي تاخدين، بسّ إنت ما تشوف مرضك كhuman، هَيّ الHIV abbreviation for something، هَلقّ مشّ مندكرتها،

‘something to do with the immune system، V for virus

قمت شو قتلّهن أو كيه، H.I.V

H: first of all you are human، إنت إنسان،

I: you are integrated، إنت موجود بهالمجتمع، منكش عايش عالهامش،

V: you are a valuable member of the community، يعني إذا معك هالمرض بسّ فيك تساهم بكثير إشيأ، فيكي إنت تعلّمي غيرك، ممم، so غيرت الconcept تبع HIV لحتّي يشوفوا حالهن in a positive way، وطلعتلّهن بفكرة إوّ المعلومات لحتّي توصل، مثلاً أنا حضرت training، إستقدت منه، وأخذت معلومات، لوصلها لبقيّة هالمنطق، تنقول بالجزائر، والجزائر كبيرة، وفي مناطق نائية، يعني هالسنّت اللي عايشة بأوران(وهران) يما عايشة ما بعرف وين، ما رح تجي عالاصمة، وتستفيد من هالtraining، طلعت بفكرة إوّ "اعملوا" -- هيجا أول ما كانت طالعة قصص إوّ عالتيليفون بيعتوا SMS، اعملوا group، وبتصيري كلّ يوم تبعتي ع هالغروب [group] وين ما كانوا بالجزائر، بتبعيتلّهن SMS توعية: كيف تعنتي بحالها، كيف تتجنّب إشيأ، [00:16:07] كيف تقوي immune system تبعولها... في كثير قصص يعني بيقدروا يعملون ويساعدوا بعضهن. ممم، هيدا باختصار عن الرّنا، هيدا اللي بتدكره للحقيقة، وI'm so glad إوّ ما عادش في هالمصروف هيدا على الmeetings، تغيّرت القصص، بعد ال--، بهالوقت، ممم، yes، أول سنة وصلت فيها لهون، إجوا بناتي، عزمت بناتي يجوا يزوروني، قدّ ما كنت excited، وقلت أنا خليهن يشوفوا أنا منين، وليش تفكيري هيك، ما رح يعرفوا غير لّ يجوا يشوفوا الculture، بتعرفي يارأ، ياما إيّام كنت إبكي بأستراليا، لأوّ بناتي يتصرّفوا بطريقة، قول يا عمّي، أنا مشّ هيك تربيت، أنا ما كنت جاوب إمي هيك، لحتّي تفهّمت إوّ هنيّ بيّهن أوّلاً إنكليزي، عايشين بأستراليا، هيدا الculture، يعني... في هال، ما في الإحترام اللي موجود هون بلبنان للأهل، يعني الولد بيقدّر، ما رح قولها هَلقّ لأنها rude، بسّ كيف يبحكوا مع أهلن يعني [تضحك]، eff-off مثلاً، "بي!، شو eff-off هيدا عم يحكي بيّه هيك؟"، الculture [تضحك]، اللي بكون حامل البيرة، ونصّه رايح، وما بعرف، يعني، ابكي إوّ ممم، ياريت بناتي بيعرفوا أنا منين جاية، بقي كانت هيدي الفرصة، أول سنة اللي جيت فيها لهون، إجوا بAugust، وبرّمتهن، هون بلبنان، عزّفتهن عالقراب، أخذتهن على حلب، أصحابي بعدهن هونيك، برّمهن بال--الproject، الأرض طويلة عريضة، عالLabs وما بعرف شو، ورحنا عالشام، يعني ما تقدري قديّه مبسّطة إوّ حَقّقت هالحلم، إوّ إجوا، وبالآخر، بيكتبولي كرت [card] هنيّ ورايحين، على المطار "mom, thank you so much" لأنّو هَلقّ صرنا نفهم، نفهمك أكثر"، [تأخذ نفس عميق] anyway هيدا كان بAugust، وناديا كانت، بنتي الصّغيرة، أنا عندي بنتين، أماندا وناديا، أماندا بسيدني، ناديا كانت عم تدرس بكوفنتري [Coventry] بEngland، عم تعمل media & journalism، بقي، بعيد الميلاد قتلّتها how about، إنت قريبة، أقرب من أماندا، how about تجي لعندي على لبنان، قالتلي no, mom، إنت بدك تجي لعندي بApril، لعيدي، وأنا بدّي برّمك هالمرّة بEngland، قلت أنا أو كيه، ما بتحرز لكن هَلقّ تحطّ حقّ ticket وتجي علبنان، وبدّي إرجع روح بApril، بسّ للأسف، بFebruary... ناديا كان معها epilepsy [داء الصّرع]، and عم تاخذ أدوية كانت عأساس، وyou know، تقليّ mom, it's just an illness, you know, just like anybody else، مثل كأّو واحد معه السّكريّ، بيعمل إبرة كلّ يوم، هالقدّ كانت عندها هالأنظرة عالمرض، إوّ you manage it، مشّ آخر الدّني، أخذت scholarship من الجامعة، لأنّو she was doing very well، وثاني يوم كانت بدّها، معزومة على التّرويقة مع الvice-president تبع الfaculty تبعولهن، فأنا عم تفلنلها إوّ "good luck اليوم، رايحة تاخذي الbreakfast مع الvice president"، دقّ، دقّ، ما حدا برّد، and، بسّ كان حاسسني قلبي، باللّيل 2:30 بوعى عم ببكي for no reason، ومشّ عارفة شو عم ببصرلي، بسّ الفكرة اللي تجي عراسي إوّ ناديا توقّت، وأنا بيني وبين حالي إوّ no, no no، مثل بدّي إم--، كيف، منين عم تيجيني هالفكرة هيدي؟، المهمّ كان عندي خصلة، كنت إكتب إيمائل، حطّهن تينباتهن، لّ أماندا و لّ ناديا، قلّهن sharing my stories، كان عندي شي، إوّ ما بدّي ياهن يكبروا يوم من الإيّام يقولوا "أه، mom ما خبّرتنا"، أو "ما عرفت هيدا السّني عن mom"، بقي هودي، هيدا الإيمائل، بين وقت والثّاني، إبعتلّهن هالإيمائل هيدا، قلّهن "مشّ ضروري تجاوبوني، أنا بسّ عم خبّركن قصص صابرة معي، أو عني، أو عن شخصيتي"، بتدكر الساعة 2:30 قعدت، كتبت هالإيمائل، الإيمائل، كان لقلّهن إوّ كنت، ممم، you know،

"يا ريت كنت إقدر أعطيهن أكثر"، الإشيya المادية، يعني، إتو يا ريت قدرت ساعدتك أكثر، عاطفياً عطيت قد ما فيني، بس ما قدرت ساعدتهن بالطريقة اللي أنا بدّي ياها مادياً. بييجيني الخبر إتو ناديا توفت، الظاهر قاعدة عم تشتغل على الlaptop تبعولها، 12:30 كانت بEngland، و2:30 عتاً، [00:21:07] لأتو إتضح إتو آخر شي إشتغلت على الlaptop كان 12:30، صار معها seizure [توبة]، قلبت على المخدّات، لأتو حاطة كثير مخدّات وراها ليسلّوها هي وعم تشتغل، and إختنقت عالمخدّات، it was silly، ممم، إتو بلاقي--، يمكن لأتو بس يخلص عمره الواحد that's it، الأسباب بتتعدّد بس النتيجة وحدة، so إتصلت بصاحبته، قلّتها please مش عم تردّ عليّ ناديا، فيكي تروحي عالبيت وتشيكّي؟، ما سمعت مئها، قالتلي "yes, sure"، وما عشّ سمعت مئها، so... حسّيت إتو that was it. بقي، وقت اللي مرقت بهالفترة هيدي، كانت كثير صعبة، أكيد، رحت--، إجت أماندا، ورحنا ع England، وعملنا المراسيم، وكلّ شي. ممم، الsupport اللي أخذته، مع إتي كنت جديدة بعدني هون، ما كنت بعدني عاملة كثير معارف، ممم، so هيدي كانت كثير صعبة عليّ، أول سنة كنت هون، بس كفت، بنذكّر كان عتاً training، وأنا عم جرّب حضّر، ودموعي عم تنزل، و... بس قول أنا "هودي مش ذنبهن، هيدي أنا، مصيبيتي". اللي، الشغلة المنيحة بفنكر اللي صارت بوقتها، إتو كلّ الإشيya اللي قاريتها، حضرتني لهالمصيبة، في ناس بتصير معهن المصيبة، بعدين بيروحوا بيغروا، بيصيروا روحانية، بيصيروا متديّنين، أو whatever بيصير معهن، أنا كنت العكس، قارية كنت عن هالإشيya، وقت اللي صارت هالمصيبة، ممم، ت--، ما أنا بقول إتو مشّ المصيبة الهيدا، كيف الreaction تبعولنا، so كانت الreaction تبعولي ساعدتني، ممم، قلت أنا you know what؟ أنا كنت محظوظة إتو كنت إمها ل23 سنة. أنا كنت محظوظة إتو عرفتها، في ناس بيموتوا ولادهن هنيّ وصغار، بس إنا عرفتها، وعاشتتها، ومبسّطت إتو إجت علبنان، وعرفتها على culture تبعولي، so قرّرت إحتفل بحياتها، بدل ما إحزن على موتها، وحدة من الإشيya اللي عملتها، لأتو كنت عم برسم كمان، وهتيّ كانت كثير تشجّعي عالرّسم، تقلّي mom، لازم ترجعي للرّسم، قلّها أنا ما فيني قوم نهار الإثنين، قول أنا الساعة 4 بدّي بلّش إرسم، [تسي]، it doesn't work like this، المهمّ، عملت معرض بال2012، وكان dedicated لإلها، سمّيناه "cell-bration" لعب عالكلام، إتو I'm celebrating Nadia's life، وأنا برسم على الcells، فخلطت الإثنين سوا. هلّق في ناس بيقولولي "قوية إنت"، مشّ قصّة قوّة، هو كان--، يمكن عندي شخصيّة قويّة I am sure، بس القصّة إتو كيف... مختار نتجاوب مع المصيبة، ما حدا حياته كلّها smooth وما بيصير معهن شي. أنا بقلّهن "مثل هيدا الخطّ، اللي بسّ بيعملوا تخطيط القلب، بيصير طالع نازل، طالع نازل"، هيدي الحياة، طلعات ونزلات، طلعات ونزلات، وقت اللي الخطّ بيصير دغري، العوض بسلامكن، يعني نكون رحنا. so، ممم، that was my experience in the first year being here in Lebanon... مشّ قصّة قوّة، جرّبت، يعني في كتار، بتعرفي، من بعد ما صارت هيدي، يكتبولي، يقولولي "أه، أنا توقّي بيبي، ولهلق، صرله 10 سنين، وبعدني لهلق بفكّر فيه"، يقى، إذا كنت ساعدت ناس اللي خسروا--، وتعرفي قديّه في ناس خسروا يا ولادهن، يا أهلهن، ياما صار مصاب بالحرب، والإنفجارات، وكلّ هالإشيya، so إذا قدرت ساعدت حدا يعرف ي--، يتعامل مع المص--، مع الخسارة، اللي هيّيا أهمّ وحدة، هيّي خسارة اللي منحّتهن، بكون حققت شي أنا وبلبنان.

ي.أ.: هلّق، بلّشتي تخبرينا شويّ عن تجربتك بالرّسم، وإتو عملتي أول معرض لإلك ب2012. هلّق، لهلق إنت بعديك بترسمي، ويمكن عندك كثير تجارب مع الرّسم، مع المعارض، بتحبّي تخبرينا شي بهيدا المجال؟

د.ف.: yes: [00:25:54]، [تضحك]، ممم، [؟؟؟ غير واضح؟؟؟] بكلّ هالقصّة كيف صارت، بلّشت بسيدني، عم بشتغل هونيك، and بتعرفي، بييجوا الصّبح الموظفين: "hey Dalal, good morning! how are you"، وبين ما برمت لحتّي جاوبها، كانت قلت، قلت أنا well، واضح إنّها مش مهمّة يعني، هيدا cliché كلّ يوم الصّبح، good morning, good morning، بسّ ما بعرف ليه نهارها، قلت أنا طيّب أيّمتي فيتي جاوبها وقلّها "I am fine"، وكون psychologically, emotionally, financially، يكونوا كلّهن مناح؟، لأتو بتعرفي، في إشيya إيام بتكون منيحة، وإشيya مشّ منيح فيها. [تأخذ نفس عميق] خليتها بال... back-burner، مثل ما بيقولوا، خليتها بفكري، بسّ أخذتلي من تفكيري، بعد شي كم يوم، بتجي وحدة ثانية، بتفرجيني صورة ملوّنة، طابعتها هالبرينتر [printer]، قالتلي "دلّال، إحزري هيدي شو"، قلّتها ما بعرف، هيدا مثل شي تابلوه [tableau] قالتلي هودي stem cells بسّ يحطّوهن تحت الelectron microscope، هلّق بهيداك الوقت، كانت ناديا تشجّعي إرسم، and إرسم إشيya... you know... ما كان عندي خطّ معيّن، شو ما يطلع قدّامي، بسّ كنت حبّ أكثر شي الإشيya الشّرقية، كان عندي كتاب إسمه orientalism حبّ هيداك النوع من الرّسم. ممم، حبّ إرسم البيوت تبع Morocco، يمكن كان عندي هالنوستالجيا [nostalgia] للبيوت القديمة، الشرق in general، in. بقي، خلّتي هيدي السّت اللي فرجتني هيدي الصّورة، صرت أعمل research، "بيي، cells، وstem cells، وتحت الmicro-- مشّ any microscope كمان، electron microscope اللي الظاهر بيكبّر بطريقة كثير أكثر". بلّش غرامي مع الخلايا، ممم، أنا ما عندي scientific background، وما كان عندي أيّ فكرة، ف صرت إقرأ، إقرأ، وإتقرّج ع هالصّور، كلّ ما إتفرج عالصّور، إنغرم أكثر،

يعني مثلاً بيفرجوكي صورة الأه-- البنّ، تحت الmicroscope، بيفرجوكي صورة الbanana تحت الmicroscope، لك عالم ثاني. ممم، بسّ حتىّ بجسمنا، يعني، ال--الneurons هلّي بدماغنا، ي-- تابلويات أنا شوفهن، so هيدا بلّشلي قصّة إنّو أخذ خطّ معيّن، وإرسم عن الخلايا، in parallel، صرت كمان إقرأ، في واحد اسمه بروس ليبتون [Bruce Lipton] بيحكي إنّو كيف أفكارنا بتأثر عالخلايا تبعولنا، وبالتالي، على صحّتنا. ممم، عدد الخلايا، بيبي، ما يعرف كم صفر، و trillions، ما عنولي شي أنا الtrillions، لحتىّ مرّة قرّيت إنّو عدد الخلايا اللّي بجسمنا هلّي بمثابة بيت معبّي بازيلاً، بدون القشر، هي مهمّة، إنّو بدون القشر، من الأرض، للسقف. واو، إتخيلّ حالي ماشية بهالبيت بين البازيلاً، و... أنا عندي الimagination الكثير واسعة، بقى دغري بروح لمحلّ ثاني، and, so I was fascinated، يعني، في عالم ثاني جوّاتنا، ونحن قاعدين منتشارع على قصص بلا طعمة، and، ومشّ منتبهين على ال-- إنّو هالخلية أنا بتفكيري عم غيرلها مجراها، بعدين بيقولوا إنّو الخلايا they're healthy، نحنا يلّي منشلّهن بأفكارنا الnegative، بذات الوقت كمان، فهمت كيف ال--، مثل البازل [puzzle] بيتركبوا قصص كلهن حدّ بعضهن. أصحابي بالشغل علقوا ورقة على الfiling cabinet، وكلّ ما إحكيلي شي شغلة هيك، يضحكوا عليها، يما شغلة الout of the box, out of the ordinary، تعجبهن، يسجلّوها. قبل ما فليت، طبعوهن، وسمّوها دلاليزم [Dalalism]، وبرّوزوها، وعطوني ياه، خلق كلّ ال--، خلقت قصّة الدلاليزم من وقتها، من وراهن هلّي، وتركبوا كلّ هالاشيا مع بعضهن، خلق الدلاليزم art، دلاليزم concept، لأنّو صرت إشتغل أكثر على النوعية إنّو كيف أفكارنا بتأثر على الخلايا تبعولنا. عملت معرض أول ما جيت لهون، بسّ شو، مستحيّة فيهن أنا، عم فرجيهن ل--، في ستّ بالحمراء، عندها الworkshop, art workshop، ممم، وقت اللّي توقّفت ناديا، قلت أنا بدّي روح أعمل رسم، لحتىّ إخت--، يعني، حتىّ ساعد حالي، إمرق من هالمرحلة، أخذت أول درس والثاني، طلعت أنا مش خرج إتعلّم، تلخبط راسي، ما عشّ أعرّف إرسم، لأنّو عم تعلمني "بتحطّي هي هون، وتخلطي هالقدّ من هيدا اللّون، مع هالقدّ من هيدا اللّون"، ضعت. أنا معوّدة بخلط بالفطرة، ما عندي... you know، قلّتلها "بتعرفي، مشّ رح فيتي كفيّ [00:30:53]، بسّ أنا برسم، راسمة قبل"، فرجيتها هلّي، قالتلي perfect، منعلمك معرض، وهيدا اللّي صار، كان أولّ معرض، بعدين عملت معرض ب، كمان بعدة محلات، ببيروت، بالأشرفيّة، شاركت بمعرض بباريس، شاركت بمعرض بدبي، ونقّوا وحدة من لوحاتي، في شي اسمه "sci-art"، يعني هلّي بشتغلوا بالscience، وهلّي بيشغلوا بالart، عملوا network مع بعضهن، لأنّو في شي in common فيه، الظاهر في مشّ عدد كبير من الartists هلّي بيشغلوا على إشي scientific، بقى، عملوا call للartists، قدّمت أنا كم صورة، نقّوا وحدة متهن، إنعرضت بالNew-York Hall of Science، ضلّت هونيك شي 3 أشهر. هلّق أنا ما برسم الخلايا مثل ما هلّي بشوفهن بالصورة، يعني أنا I call it أنا الcells from an artist's perspective، أنا كيف بشوفها، يعني في وحدة سمّيتها cell-fie، لأنّو كنت شوف هالعالم كلهن حاملين هالmobile, selfie, selfie, selfie، قلت أنا لآ، لك أنا الcell-fie تبعولي يحيّة جوا. وحدة سمّيتها cell-fish، ممم، وحدة سمّيتها cell-bration، سمّيت وحدة rejoicing cells، إنّو وقت الأفكارنا positive كيف إتخيلّ هالخلايا، يعطيها وجه كمان، وبسمة، وعينين كبار، عندي صورتها مختلفة براسي، مشّ مثل ما الscientists بيشوفوهن، بشوفهن عم يرقصوا، مكيفين، cells alive، كمان، you know. بقى في وحدة صاحبتني كانت تشتغل بالlab، قالتلي "دلّال، بذكّ تحي شي نهار عالlab، بدّي فرجيكي ياهن، الخلايا تحت الmicroscope"، قلّتلها no، ما بدّي، قال "بيبي"، قلّتلها "خايفة"، قال "من شو خايفة؟"، قلّتلها "خايفة إذا شفتها بالمزبوط، بطلّ إستعمل المخيلة تبعولي، يمكن تنزعلي كلّ القصّة"، so تردّدت، ولحدّ هلّق، مشّ شايفة الخلايا تحت الmicroscope live، لأنّو بدّي خلّي صورتها مثل ما أنا بشوفهن.

ي.أ.: ممم، في شي إشي بتصير معك إنت وعم ترسمي، ممم، هيك مثلاً، يمكن مواقف مضحكة، مواقف ذكّرتك باشيا، ممم، بتحسّي إنّو هيدا الشّي اللّي بتعمله، الرّسم، هو حالة بتعيشيها، شي بتمارسه كلّ يوم؟

د.ف.: [00:33:55] [تأخذ نفس عميق] you know، الرّسم لإلي مثل الmeditation، هلّقن بعمل أنا meditation، بسّ هو مثلّ any exercise، يعني حتىّ اللّي بيشغل بالجنيّة، حتىّ اللّي بتشتغل صوف، أو كروشيه، ممم، وقت اللّي بيقولولي العالم "الmeditation بيبعملوه بالohm, ohm"، لك يا عمّي لاه!، الmeditation مشّ ضروري إقعد قول ohm ohm، بسّ الmeditation هيّ أيّ activity منعلمها، ومنكون ناسيين الدتّي كلّها. أنا بسّ كون عم برسم، يكون بعالم ثاني. ممم، الألوان بتحرّكني، وبعدين ببشّ، ببشّ بفكرة، أنا على فكرة ما بعمل sketch، إذا عملت sketch، [تصفّق بيدها مرّة واحدة]، سلامتك، بضيع. الظاهر anything structured، يما في إلو قواعد، ما بتمشي معي. ببشّ بفكرة، بنخلص اللوحة، بتطلع شي ثاني. أنا وعم برسم بلاقي هون طلع كذا، أه، أوكيه، هيدي فيني كفيّ عليها. هالexperience هي is amazing، ولاحظت قدّي مهّم الواحد يكون عنده hobby، هيدي الescape من الreality تبعولنا، من المشاكل تبعولنا، and بتفضّي كلّ الفكر لأنّو وقت اللّي أفكارنا هالقدّ معرّكة، وخصوصاً اللّي عايشين بهالمنطقة، أو بالأخصّ بهالبلد، هلّي بيشغلونا راسنا بالاشيا الأساسيّة، ممم.... [تضحك]، يعني يكون عم برسم، رايحة بعالم ثاني، "بيبي، راحت الكهرباء"، أوكيه، إرجعوا طقّوا الديجنيتير،

ما بعرف شو، ما إفهم فيهن هودي، ياما كبس زرار بالغلط، ليطلع المزبوط، بقى، إذا عنده هواية الواحد، وأنا I'm grateful إنو لميت هالهواية الرّسم اللّي عندي، لأنو بروح بعالم ثاني.

ي.أ.: هلّق خبرتينا كمان إنو كنتي تحبّي إنك ترجعي على لبنان، ممم، التّجربة اللّي صارت، هالعشر سنين إنت حسيتيها مميزة يمكن بالنسبة إلك، ليش هلّق قررتي تفلّي، وممكن ترجعي، بتحسّي حالك ممكن ترجعي تجي، أو يمكن تفقدي صلتك بلبنان؟

د.ف.: [00:36:26] إفقد صلتني بلبنان، هيدي لأ، هيدي ما ممكن تصير. بتعرفي، لقيت إنو ما عشّ عم بقدر أعطي مثل ما كنت من قبل، ومثل كأنو عطيت اللّي لازم أعطيه، صار وقت إنو إبعد. إيام الواحد بس يكون بقلب الجوّ، ما بعود يشوف الصّورة واضحة. اللّي بقدر أوصفه إنو حسيت إنو لازم إبتعد شويّ، لشوف الصّورة أوضح. بعدين، بهال new platform هلّق على الـ new technology، فيّي إتواصل مع مين ما كان على الـ zoom على skype، ممم، whatever، وحتّى عم بعمل training، بقدر أعمل training، عهال platforms هيدا، so ما رح كون كثير بعيدة، and، وفي كثار أصحابي بيقولولي مشّ شاييفينك مطوّلة، إنت، you know، ما بتلحقي تروحي إلا بترجعي. حلمي إنو كون بين، قضّي وقت بين أستراليا وبين لبنان، بقى إنشالله يوم من الإيام حَقّقها. ممم، وبعدين أخبار لبنان يعني، وين ما كان الواحد بالعالم بيقدّر يظّل يتابعها، وصرت I think أثرت على نفسيّتي هالصّغط ليّ موجود، ويمكن أكثر الحزن. في نهار قلت أنا بدّي روح... you know بعد ما صار الإنفجار، ترددت كثير إنزل عالجميزة ومارمخايل، ما بدّي شوفهن بهالصّورة، بدّي خلي صورتهم مثل ما بعرفها من قبل، بسّ في نهار سبت قلت يا بنت، قومي إنزلي، رح تفلّي، لازم شوفها. نزلت تمشيت بالجميزة وبارمخايل، كانت التّجربة كثير صعبة، بسّ كانت mixed feeling، يعني شوف محلّ حاطين "you can destroy our place but you can never destroy us" أو هيك شي، "باقيين"، إشييا slogans positive، وهيدي بالنسبة إلي لخصت اللّبنانيّ كيف هو، يعني، بناية مهذّمة، ما فيها حيطان وما فيها شي، وحاطين باقون "ما فيكن تهذّمونا"، it's amazing هالـ resilience اللّي عند اللّبنانيّ، وهال... ما بعرف شو إلهها كلمة بالعربي، بسّ بيرجع بيقوم، بيرجع بدّه يرجع بعمر، بدو يرجع يسويّ، وشفت، فاتحين كافي، والعالم قاعدين، و... بنتطعّي، الكافي بهتاخذ العقل الديكور [decor] تبعولها، زبّطوها، أكيد كانت مهذّمة، ورجعوا زبّطوها. قعدت بالكافيه لأخذ قهوة، وعم بتطّلع حوالتي، يا ريت قدرت، بقدر إجمع كنت الصّورتين مع بعض، بسّ الخراب حوالين، ومشوا الـ business، و"أهلا وسهلا مدام، شو بتحبّي؟". إنشالله ما يخسرها هيدي لبنان، بتعرفي في عادات كثير حلوة بلبنان؟ أكيد في عادات مشّ منيحة كمان، بسّ هيدا بكلّ البلدان، بسّ في إشييا مشّ لازم نخسرها بلبنان، لأنو في كثار بيحبّوا يفلّدوا الغرب، بسّ مشّ كلّ شي الغرب بيعمله هو الـ best، يعني. بقى هي تجربتي مع... شو إسمه؟ الجميزة ومارمخايل، نزلت شفته، وفتشيت خلقي، كان زعل وفرح بذات الوقت، كان mixed feelings، نسيت شو سألتيني، بسّ معلية شي، خبرتك شي ثاني يمكن [تضحك].

ي.أ.: أوّل مرّة من كذا سنة، يمكن 30 سنة أو أكثر، كنت رايحة، تاركة لبنان، ومش عارفة لوين رايحة، وشو كنتي بتتوقّعي. صرتي تعرفي أستراليا، ورجعتي على لبنان. هلّق إنت راجعة على أستراليا، يمكن بتعرفي هونيك شو الوضع وكلّ هالقصاص، بتحسّي إنو بعد في إشييا يمكن ما تتوقّعيها تصير؟ بتتمني يمكن تغيّري شي هونيك؟ إنت حدا عم يرجع يزور مكان كان فيه

د.ف.: [00:41:01] ممم، بتعرفي؟، تعلّمت إنو ما يكون عندي توقّعات، لأنو التوقّعات بتجيب خيبة الأمل، مثل ما بيقولوا: "expectations bring disappointments"، وصرت، تعلّمت عيش بهال-- شو بسمّيها أنا، living with certainty in uncertain times، يعني بهالأوقات اللّي مشّ عارفة شو بدّي إتوقّع، كون مرتاحة بيني وبين نفسي، وكون جاهزة لإتقبّل ليّ بيصير. هلّق، شو بيت--، شو ناظرني هونيك؟، I have no idea، بسّ بعرف أنا، بسّ كنت، بهالعشر سنين اللّي سكنتهن هون، إحكّي مع خيّي، إحكّي مع إختي بأستراليا، و you know، "شو، كيفك إنت؟" مثلا، [تردّ] "Ahh, same old, nothing much"، ما صار شي. إنت كيف كان أسبوعك؟"، [أردّ] "ووو، [تتكلم لفظات عشوائية صغيرة بسرعة]"، ما أخلص، يعني [تضحك]، بقى هلّق رايحة، بقول "أنا رح صير هيك؟"، إنو ببسالوني "شو عملتي؟"، بقلّهن "nothing, same old" [بنبرة ساخرة]، هيدي اللّي عم بتضايقتي أكثر شي بسّ فكر فيها، بسّ ما بفتكر قصّة البلد قدّ ما هيّي قصّة الشخّصيّة. ممم، يعني، يمكن لو رحت على روالتيندي يما واكادوغو يما اللّي بذكّ، أنا بحبّهن هالأسامي، مهضومين بتلاقيهن هودي البل--، هودي العاص--، البلدان، شو إسمه؟ المدن. يمكن وبين ما رحت بخلق شي. بقى، كيف رح تكون تجربتي هالمرّة بأستراليا؟، لأنّي بعرف كيف الحياة هونيك، يمكن إتأقلم معها بطريقة أحسن، and I think I'll be more selective. يعني، ممم، أنا الزّيارات وما الزّيارات هودي مشّ لإلي، إشرّب قهوة، وإحمل الجردان، و... no. ممم، عزموني [تضحك] هون، وحطّ الحمرة

والحلق، ويلاً يا طانت [from French: Tante]، مشّ لإلي، بقى، إختي رئيسة جمعية الستات اللبانية-الأسترالية هونيك، أو كانت، and تعزمني على الfundraising تبوعلن. They did a great job، يعني، يطلعوا كثير مصاري، ويبعتوا ع لبنان، يبعنوا ل قصص هون، you know، للمحتاجين هون. بقى... روح إيام بسّ لحتّى شجّع. يعني، كون قاعدة، وحاسّة [حالي] قاتبة عن الكرسي، ما بعرف كيف بدّي أوصفك ياها، بسّ it wasn't me. وهلق بسّ فكر فيهن هول، بتعرفي، الmemories، بتخلق يا شعور بالفرح، يا شعور بال"بي"!، بتتقزي منها. هودي الإشي اللي [تضحك] اللي بنقر منهن، وبعدي لهلق ما بتخايل حالي رايحة ع هالfunctions هودي، وناقشة شعراتي، وحاطة ما بعرف شو، بقى يمكن الشغ--، اللي هلق أنا وعم بحكي معك خطر تلي، yes، يمكن روح ع هالجمعيات هودي، بسّ مشّ إقعد لأكل وإتحدى، ممم، يمكن أعمل sessions، يمكن... هيدا، قدّم إني كون speaker بهالfundraising تبوعلن، وإحكي عن تجربتي، عن لبنان. يمكن بسّ يشوفوها من وجهة نظر حدا عاش هون، ومشّ بسّ فترة قصيرة، 10 سنين منهنش هينين، بركي بقريهن أكثر ع لبنان، بركي بخلّهن ي--يشوفوا حقيقة اللبانية كيف هيّ، لأتو، كنت إسمع هونيك إنتقاد، بتقلّها "بي، يا إختي، منهن منظرين هونيك بلبنان"، "هيدي كانت تبعت مصاري لإختها، طلعت إنّها هيّ حاطة سير لانكيّة بتساعدها، ونحن هون، نحن منشغل"، يعني، كان في إنتقاد، ما بعرف إذا بعدو، بكرّا بسّ روح لهونيك بعرف، ممم، في محبة للبنان، وفي ولاء للبنان، وفي حبّ لمساعدة لبنان، بسّ كمان في نقد على طريقة عيشة اللبانية، hopefully، بعمل، you know بقدم إتو أعمل guest speaker لخبرهن عن تجربتي هونيك.

ي.أ.: هلق يمكن إسالك سؤال شوي بعيد، بسّ بعدنا بنفس المرحلة. رجعتي بال... بعتمد 2010 على بيروت، وما كنتي يعني رجعتي على بيتك، ولا معك عيلتك، يمكن هيدي أول مرة بترجعي لحالك، بتأخذي قرار، ممم، يمكن سكنتي بكذا منطقة، بكذا بيت، بتحبي تخبرينا عن هيدي التجربة؟ لأتو منها تجربة بتصير مع كل الأشخاص بهيك عمر.

د.ف.: [00:46:00] صح. ممم، أول ما جيت، نزلت عند باتريشيا، بيتها بالجميزة كان، أو بالصيفي، يعني، هونيك، لبال ما لاقى بيت. بقى، هيّ كانت قابلتني إتو بتلاقي بيت بسهولة and very affordable، وقت اللي جيت كانت قصّة ثانية، لقيت إتو كثير غالين، and، ما بدّي، يعني، الpriority تبوعلي، ما بدّي إصرفهن على الأجار. المصاري اللي بقدر وقهرن بالأجار بدي سافر فيهن، بدّي شوف الدني، ومثل ما بتتخيلي، يعني، كان في ناس يسمعونني حكي إتو "أه، تاركة بناتك وجاية؟"، لأتو هون العقلية إتو "بتجوز، بحيب أولاد، بجوز ولادي، بخلّهن حدّي"، أنا ما كان عندي هالعقلية هيدي. أكيد، إجابتي كثير إنتقادات، إيام مشّ بوجي، بسّ it doesn't matter، إتو "شو جاي تعملي هون وولادك تاركتهن؟"، بقى، نزلت عندها، بعدين، وقت اللي قرّرت إتو no هالقدّ غالين ال--، بالمناطق اللي أنا بدّي إسكن فيهن، ما رح إدفع هالقدّ، so رحنت قعدت بفواييه، عند الزاهيات. هيدي كانت لحالها تجربة كمان، it was so interesting، عاساس موقت، but it was very convenient لأتو وقت اللي إسمع العالم عم بيقولوا "بدنا نجيب سيترين [cistern] المي يعطينا المي"، ووقت اللي بيقولوا إتو "بدنا نشترك مع الموتور، ودفعنا هالقدّ"، يعني، إشي كانت beyond me، لقيتهن too much إذا بدّي إستاجر لحالي وبدّي أعمل هالإشي هيدي كلها؟، no. بدّي شي هين، رخيص، وكويس، وبدون ما إدخل بهالمتاهات هيدي. الفواييه كانت الحواب لإلي. كل شي مأمّن. عطول في كهربا، عطول في ميّ سخنة، عطول في واي-فاي so perfect for me. بتعرفي، هلق when I look back بقول أنا كيف قعدت بهالفواييه؟ بسّ تعرّفت على كثير كثير بنات مهضومين، طيوبين، تعلمت منهن، إنشالله هنيّ كمان تعلموا إشي، بسّ بيكتبولي، بيقولولي بيتذكروا بعد شو كنت إحكي، أنا كنت مثل الأم لإلهن، وهول في كتار يجوا، بعدهن جايين أول سنة عالجامعة، ينزلوا بالفواييه، مثل ما بتعرفي، بيقعدوا بالفواييه أول سنة، لأتو أهلهن بكونوا خايفين عليهن، وهي آمن شي بالفواييه حتّى ما يروحوا ويجوا، بقى الصّالون مشترك، عملنا سهرات، إنبسطننا بسط، نضحك ضحك، إيام نجيب wine، نسهر، ننكت، وبعدين الحلو اللي حبيته فيه، بتعرفي الإشي بتصير for a good reason دائماً، دائماً بما إتو جاي جديد وكان صرلي زمان تاركة، هالخلطة هيدي هاللي كانت بالفواييه، في عندك الدرزية، والسنيّة، والشيعيّة، والمارونية، وال--، من جميعه، الأعمار بتختلف، كان في ناس أكبر من ناس، وفي هالخليط هيدا، وهالجلسات اللي كنا نعملهن، it was so amazing، وساعدتني إفهم كيف صارت عقلية اللبانية، لأتو عم بسمعه من الyoung ones. قصص مع الراهيات، بتعرفي، مثلاً، مرة بدنا نفتح قنيّة نبيذ، وما فشّ عنّا فتّاحة، نزلنا عالسكت للطابق تبع الرّاهيات، وحدة واقفة فوق عم بتشوف إذا إجت الرّاهية أو إذا إجا حدا. قصص مثل الأولاد الصغار، رجّعوني ممم، teenager, I think، بهالفترة هيدي. جينا الفتّاحة، وما بدنا يشوفونا، that's another experience، كمان، اللي عشتها. وبعدين، لهلق بتواصل مع كثير منهن، لأتو في منهن تحرّجوا، تجوزا، صار عندهن أولاد، في منهن سافروا، صاروا برّا، صاروا أطباء، ممم، بيفتح قلبي وقت اللي بتذكّرهن لأتو بحبهن كثير، وإيام إذا طابخة، يجوا "يااي، هالريحة مثل كاتو بالبيت، أنا هيدا الماما، ذكرتيني بالماما"، أو شي، [تأخذ نفس عميق]، فالإشي البسيطة هاللي بسّ بتعمل فرق كثير. بقى، this was my first experience وقت اللي جيت ع لبنان. أه، وأول ما جيت، and حكيت معهن، مشّ عارفة شو، نقلت أغراضني، واصلة، بلاقي الرّيسة واقفة، وشي 6-7 بنات

واقفين، هيك، بالصّف، حدّ الرّيسة، [00:50:59] حدّ باب أوضتي. قلت أنا "بي، مدري شو صار، يمكن... ما بعرف ليش كلهن صافين"، تاري واقفين تّ يستقبلوني، وفكروني يشتغل بشي سفارة، بشي... ما بعرف، فكروني شي [تضحك]، شي مهم، واصلة، وجاية تقعد بالفوايه. بقي، هول اللّي عم بتذكّرهن، بسّ في قصص كثيرة. وتعزمني الرّيسة، إتغدى مع الرّاهبات، و... بعدين، الأسهم تبعولي نزلوا، هي وقتها كانوا الأسهم عالية، كنت إنعزم، and I think لازم إكتبهن هودي كتاب، بتعرفي؟ هلّق إنت عم ترجعلي ذكريات، في إشي بينساها الواحد. I should write them. رح إكتب كتاب سمّيه " I Brush my Thoughts", yup, I will

ي.أ.: هلّق إنت ما ضلّتي بهيدي الـ 10 سنين بمطرحة وحدة، رحتي على مطارح ثانية يمكن، أو مناطق ثانية. عندك كمان ذكريات عن هي التجربة؟

د.ف.: [00:52:09] [تأخذ نفس] الـ... سافرت، كنت روح كلّ سنة، إرجع على أستراليا، بسّ حالي إتو ضيفة هونيك، أنا بيتي لبنان. سافرت غ بلاد عربيّة، and... عندي قرايب كثير، وعندهن بيوت بالجبل، إنعزم، بسّ لأ، أكثر وقت قضيتّه بالفوايه، بعدين نقلت على الأشرفيّة. كمان، it's a different experience بالأشرفيّة، and ما بعرف إذا العالم واعية قديّه في فرق بين منطقة ومنطقة، أكيد واعين عليها، بسّ وقت اللّي بيختبرها الواحد، بتحسّي بالفرق بالـ culture، بالنّاس اللّي بتشارك معهن، هنّ--، you know، بسّ تطلعي تمشي، بتلاقي في فرق. لخبرك، في competition عملوها أول ما طلع الـ covid، بـ March، عملوا competition إتو كلّ واحد يحط صورة على هالغروب [group]، خلقوا غروب " a view from my window، "from my window"؟ قلت أنا أوكيه، فتحت هيك، شقيت الشباك شوي، وأخذت صورة. هلّق الـ view from my window، ممم، متهاش شي كثير فطيع، يعني، مبيّن الـ courtyard برّاء، القعدة عنّا برّاء، it's well-seen، بيت الجيران، شجرة أكدي، that's it. نسيته هالـ competition. من شي شهر، بي، نازلة هالبوست [post] وشي 2,400 شخص عاملين تعليق عليها. قلت أنا I can't understand this، الظاهر هالقد إجاهن طلبات، هالقد بعولهن ناس صور، من جميع أنحاء العالم، so حطّوهن بـ queue، أنا من شهر إجا دوري. عم نحكي من March لهلّق، إجا دوري، نشروا هالصورة. أنا شو حاطة بالصورة؟ بقول "the view from my window"، بسمع الجيران بسّ يتشار عوا، وبسّ يكونوا عم يحكوا، بشمّ ريحة الطبخة اللّي عم يطبخوها، and بسّ يمرقوا، بسلم عليهم. " [تسعل]، وفعلاً، بتعرفي كيف، مثلاً، "أه، صباح الخير، ميّوا، كيف؟"، and الظاهر هيدي للناس... هتي حاطين صور بتأخذ العقل، كلّ واحد جنيّة، وخضار، وشجر، والـ... الـ sunset... اللّي بفتكره هالقد أخذت عليها likes إتو هالـ connection... مع بقية العالم، هيدا متّهوش بسّ شبك لّ يطلع الـ view، أنا عم بسمع الجيران، أنا عم شوفهن هتي ومارقين. I think هيدي اللّي عطت الـ post طعمة مختلفة. ليش خبرتك ياها هيدي؟

ي.أ.: لأنو خبريّة حلوة--

د.ف.: [00:55:08] _____ [؟؟؟ غير واضح؟؟؟] [علاشرفيّة، صح، صح، yes.

ي.أ.: ممم، قلتي إتو رجعتي عشتي بفوايه، هلّق معروف فوايه عبارة عن غرفة أو غرفتين، ومطبخ مشترك، غرفة قعدة، ما حسيتي إتو يمكن ضيق عليك، أو صغير، أو يمكن تحسّي إتو بدك مكان أكبر؟

د.ف.: [00:55:36] أبدأ. هلّق عندي، هو البيت، بيت قديم، ومجدّد، وأنا روح قلبي البيوت القديمة تبع الأشرفيّة، so حققت هالحلم، متّوش البيت لإلي، ومشّ كله لإلي، but تحقّق قسم من هالحلم. so الأوضة كبيرة، وعندي my own bathroom، so البنات اللّانين رجع ذات الـ experience، يعني، كلّ وحدة بشغلها، بمجال شغلها، منقعد، كمان بالـ confinement، ممم، نجبرنا نكون سواء، نطبخ سوا. بسمع من سنّات بعمر عايشين لحالهن، and ضجرانين، يعني، بتعرفي هالأيام مشّ الكلّ الجيران بتحكي معهن، وهيدا... بعمر ما بضجر، دايماً في قصص، في ضحك، منعزل tricks عبعضنا. ممم، بخبيها شي شغلة، مثلاً، بتقلي "هيدا جاي، اليوم بدو يدفلي، خليّه يعطيني الوصل"، بقلها ما إجا، وبخبي الو--، يعني، شيطانات هيك، منعملها، and I have absolutely no regrets, I love it، لأنو هالـ interaction مع العالم، بفهم إتو في كتار يمكن من عمري، بدّهن يكونوا لحالهن، ما إلهن خلق، ما إلهن... ممم، that's not me.

ي.أ.: هلّق الـ... تقريباً يعني، رح يصير لنا سنة بالحجر، وأكيد، يعني، أغلب النّاس كانت تجربة جديدة لإلهن. ممم، في شي معين بهيدي الفترة تغيّر بحياتك، حسيتي إتو يمكن تحسّي باللّي حواليك أكثر، ممم، في شي بتحبي تشاركه عن هيدي التجربة؟

د.ف.: [00:57:19] you know، أول ما بلّش الـ covid، وأنا كتبت على الـ facebook إنو thanks to covid، الـ priorities تبعولنا رح تتغير. وحدة عملت comment إنو ليش الـ thanks to covid؟، يعني هبي شايفته إنو هيدا شي bad، وعم تشكره؟ I think ... من أول ما صار، حسيت إنو رح يصير إشي كثير منيعة، لأنو دايماً بحس أنا إنو كل شي بيصير، في إلو جانب منيعة. so وحدة من الإشيا المنيعة إنو الـ الـ الصحة. صارت الناس تقدر صحتها أكثر، وصارت تعرف، I hope، هلق مين اللي بيتعظ من هالشغلة ومين لأ، it's up to them. ممم، بس المصاري، يحوي بلبنان، الغني، والفقير، واللي معه، واللي ما معه، مش قادر يوصل لمصرياته بالبنك، هي إذا بعدهن بالبنك، and ... لقينا إنو الصحة هبي أهم شي، والعيلة. أنا بالحقيقة، لكون honest with you، ما كتير أخذتها جدبة قصّة الـ covid. بعمل اللي علي، بلبس الماسك، بس إنو، بعرف مثلاً أصحاب أو قرايين مش عم يطلعوا أبداً، أو إذا طلعا، شايعة حدا مارق ع عالرصيف، بنتقل عالرصيف الثاني، بتوصل بتشلح كل شي وبت-- no. ما عشتها هيدي، وما عندي هالوسواس. ليه؟، كمان يمكن الإشيا اللي بأمن فيها ساعدتني إنو what you fear, you attract, so effort، وما عملت effort إنو ما بدّي خاف منه لحتى ما أجدبه لإلي، that's me، هيدي طبيعتي أنا، بس مش معناتها بوقف، بنطّ حالي-- بزت حالي من الروشة ويقول "يا ربّي تساعدني" no. عم باخذ الإحتياطات، بس ما بدّي عيش حياتي عم يتحكّم فيها الـ covid. الـ مثل بقية هالـ viruses، إجت وراحت، بس أكثر شي إشعر مع الغير، قول لأنو في ناس موسوسين، بحترم هالشي، so ما قرب صوبهن، بس اللي مثلي، عم ياخذ إحتياطات، بس بعده عم يطلع، ما أصرت. طلعت، وجيت، ورحت، وجيت، وكله. so, I'm hoping، أنا حاسّة كل الـ humanity مارقة بفترة، فترة تغيير، بس التغيير بدّه وقت، وصعب، لحتى نغير عادات العالم بدّها كثير وقت. ممم، والـ covid definitely رح تغير كثير من عاداتنا، والـ priorities، أهم شي الـ priorities. إيام بقول أنا رح ننطلع ونقول "يا عمّي ضحكوا علينا كل هالوقت؟ كانوا عم يلعبوا بالأرقام يا ترى؟ هنيّ زرعوه، وفي خطّة كبيرة "beyond us"، بخاف من الـ vaccine، مثلاً أنا مقرّرة من هلق، ما بدّي أخذ vaccine، بس خايعة يجبرونا ناخذ الـ vaccine بطريقة غير مباشرة، يعني إذا إجي بدّي سافر، ويقولولي "إذا مش عاملّة الـ vaccine ممنوع تسافري"، أو إذا بدّي أعمل معاملة، يقولولي "لازم تكوني عاملّة الـ vaccine"، هيدا بس اللي خايعة منه. ممم، so، هالتغييرات هيدي ما حدا بيعرف إلا مع الوقت، بس في خطّة عم تجرّب تغيير العالم، خطّة عالميّة، هيدي انا لأنو يمكن بأمن بالـ conspiracy theory، ممم، يمكن مش كلها صحّ، بس ديمّا I question، يعني مش كل شي بقرأ عنه بقول أنا "إيه، أوكيه، هيدي الحقيقة"، بجرب أخذ معلومات ثانية. ممم، so العالم رح يكون very very different، و hopefully to the better but هيدي it's up to us أيّ خيارات مناخذ.

ي.أ.: بتحسّي يمكن أّو مكان وجودك خفّف عليكي يمكن صعوبة هيدي التجربة؟ لو كنت موجودة بمكان مش بيروت، يمكن التجربة كانت أصعب، أو... ما، يمكن بتعتقدي إنو لا، الموضوع إلو علاقة بإنات مين، مش بالمكان اللي بتكوني موجودة فيه؟

د.ف.: [01:01:43] صح. ممم... هيديك المرّة بس عملنا الـ interview، وعم بتقيليلي عن المكان، والـ space، وهيدا، بعد ما خلصت الـ interview، قلت you know what؟، أنا مش قصّة الحيطان، يمكن قلتها بالـ interview, I can't remember، المكان هو ديكور، بس نحنا اللي منعمل المكان. تجربتي إذا كانت بلبنان it's more challenging، وأنا بحبّ الـ challenges، الظاهر، يعني، تّ روح عيش ب بابانوي غيني [Papua New Guinie] وكانوا ياكلوا لحوم البشر مش من زمان، هيدي مش لشخص ما بحبّ الـ challenges. لو كنت بأستراليا وبالـ كورونا؟، أوه، مرتاحة، لأنو كل شي مأمّلي، دفعوا للعالم اللي قاعدين بالبيت، ممم، أخذوا الإحتياطات، يعني بتحسّي ماسكينك إيدك هونيك الحكومة، وممشيينك خطوة خطوة. هون بالعكس، هون الحكومة مثلاً بتدفشك من حيط، ما بتلحقني بتصححي، بيدفشوكي عالحيط الثاني، you know، أنا بفتكر مثل الكارتون [cartoon]، كيف أفلام الكارتون بيحطّوا نجوم، وقصص طالعة من راسه الواحد؟، هيك بيعملوا باللبناني، ما بيلحق يصحح، بووم!، بياكل الضربة الثانية. بقي، لأ، تجربتي، إختبرت الـ covid هون بلبنان، أصعب بكثير، definitely. ممم، you're on your own. وبعدين، مش الكلّ ملتزم، إذا إنت عملي اللي عليكي، في غيرك مش عم يلتزم، ممم، الحكومة لا في خطّة ولا في شي، hap-hazard، يلا كيف ما طلعت، كلّ مرّة بيعيروا، يعني أنا مش عم بفهم مثلاً إنو السيارات المفرد والمجوز شو إلها علاقة بالكورونا؟. ممم، you know، في إشيا أنا بقول هون you become logically challenged. مع كورونا، وبدون كورونا، لأنّ في إشيا it doesn't make sense، وبتصيري إنت you question you-- [؟؟؟] غير واضح [؟؟؟] يا عمّي أنا غلطانة يما هنيّ غلطانين؟". بس ما تغير شي، I'm glad I experienced--، I went through، الكورونا أنا وهون بلبنان.

ي.أ.: يمكن أكثر إذا بتفرّبها لموضوع الحياة الإجتماعيّة، إنت يمكن أكثر بتفضلي الحياة الإجتماعيّة بلبنان، هل هيدا الشّي خفّف؟، أكيد، في فرق بين إنو تكوني بلبنان، مين حوالكي، وكيف العالم بتتعاظم مع بعضها، وتكوني ببلد مثل أستراليا؟

د.ف.: definitely, definitely [01:04:15]، ممم، مثل ما قلناك، يعني، العالم--، اللبناني من شي--، من مصيبة يخلق نكتة، وياما أضحك إيام مثلاً يكون صاير شي مصيبة، أتطلع ثاني يوم، منزلين نكتة، منزلين قصة، يعني، عم بيضل في نفقة balance، مش كلّه همّ وغمّ. ممم، yes، ال support اللي ياخذ الواحد هون من ال family و friends كثير أكثر من لو كنت بأستراليا، مع إته عندي إختي هونيك، وأكيد بيعطوني support وكلّ شي، بسّ ال interaction هيدي مع الناس هون إلهنا قيمتها كثير بوقت الصعوبات.

ي.أ.: ممم، هلّق إنت كنت عم تقولي من زمان إنو إخوانك بأستراليا، هل هيدا الشّي بيشجّعك أكثر إنو ترجعي ل هونيك، أو إنو تاخذي القرار، مثل إنو خلص، إنت قرّرتي ترجعي، لو ما في حدا هونيك، كنتي يمكن بتفكرتي أكثر بالقرار، أو بتعتقدتي إنو لا؟

د.ف.: [01:05:25] وجودهن هونيك مخلّيني إرجع علبان، وخصوصة وجود أماندا--

ي.أ.: عأستراليا؟

د.ف.: [01:05:32] بنتي الكبيرة. ممم، لو ما عندي حدا بأستراليا، كنت بنقّي روح عيش ببلد ثاني. ممم، بتعرفني الظاهر أنا ما عندي هال attachment، ممم، يعني، حتّى بناتي هيديك المرّة قلناك كنت قلهن ما تنسوا، don't forget to wear your wings، اليسوا جوانحك، لأنو أنا مشّ من النوع اللي ب--، وناديا وقتها كتبت شي عنّي إنو في ناس بيخلقوا وبيبربوا وبيتجوزوا وبيموتوا بذات المحلّ، وفي ناس الققص ما بيصاعهن، ويعرف وقتها كانت عم تحكي عنّي، بقي أنا مشّ من النوع يلي يستقرّ بمحلّ، وبدّي هال security، يعني، ما بلاقيها security، إنو عابشة بذات المحلّ، no. بحبّ إختبر محلات ثانية، مثل ما قلناك لو ما عندي بنتي بأستراليا، وإختي، كنت يمكن بنقل ع محلّ، علي بلد ثاني، إختبره. بدّي، لأنو بحسّ life is an adventure, is an adventure, in adventure experience، ما حدا بيضله بذات المحلّ وبذات ال... كلّ حياته، it's not an adventure. ممم، بحبّ إتعرف، يعني بسّ روح علي بلد، مشّ الفكرة تبعولي إقعد بالهوتيل، وشوف أحسن sight-seeing تبع ال tourists. no. الفكرة تبعولي بسّ روح علي بلد، إحتكّ مع الأشخاص، سگان البلد، أعرف عاداتهن، أعرف تفكيرهن، أعرف، you know. بسّ بهالوقت هلّق راجعة على أستراليا، ...yes, because

ي.أ.: في مكان معين ببالك يمكن هلّق غير أستراليا إنو ترجعي تروحي تسكني فيه؟ وليش؟

د.ف.: I think: [01:07:26] بحبّ زور South America. آسيا، رحنت ع بالي، رحنت على... آسيا مشّ كثير قري--، ما بحسّ حالي قريبة لل culture تبعهن، بحبّ زورها بسّ ما يعيش فيها. بحبّ إقعد فترة طويلة ب South America, I think الطيبعة، ممم، الحيوانات، بحبّ روحهن المرحّة، مع إته في كمان فقر وتعتير، ممم، بسّ عندهن حبّ الحياة، and هيدا اللي بيجذبي إني حبّ روح زورها.

ي.أ.: بتعتقدتي يمكن هيدا الشّي بيشبه شوي تجربة عشيتها قبل؟

د.ف.: [01:08:14] إنو South America؟

ي.أ.: إيه، يمكن المكان اللي بتحبّيه بيشبه أماكن بتعرفها، أو تجربة مثلاً تكون مشابهة؟

د.ف.: [01:08:27] مشّ ضروري، مشّ ضروري، يعني ما إلهنا علاقة بانو something بال memory تبعولي، لأ، أنا بدّي أعمل new memories.

ي.أ.: كنت عم تقولي قبل ما نبشّش المقابلة إنو يمكن في بفترة اللي عشيتي ب بابانيو غيني، إنو يمكن يكون عندك بعد إشيّا بتحبّي تخبريها، وما ذكرتيها هيجيك المرّة، في شي هلّق خاطر ع بالك؟

د.ف.: [01:08:53] يمكن حكيت إنو قدّيش تعلّمت منهن، ك culture جديد عليّ، ممم، وتعلّمت إنو بسّ يروح الواحد على بلد من... شو بيسمّوه؟، first... third world country -- developing country let's say، إنو ما يطبّق العادات اللي هو بيعرفها، no. مرّة الجاي إذا رحنت عيش ب developing country, I think أول شي بسأل العالم شو بدّهن، وعلى أساسها بصير... أنا جرّبت، ممم، أفرض عليهن الإشيّا اللي يعرفها، وفشلت فيها. يمكن نجحت بإشيّا ثانية، بسّ، ممم، بابانيو غيني، يزعل لأنو حسّيت إنو في كثير أجانب عم يستغلّوها، ال exploitation، لأنو بسيطين. هلّق، في عندهن جرايم، وفي عندهن...

منهاش safe country أبداً، يعني الواحد بدو يمشي بالسيارة وحاطت بالتابلو [tableue] فرد. ممم، بس طيبين، وفي كثير أجانب عم يستعلوهم، يعني بلاد غنيّة كثير، ببضحكوا عليهم بإنشيا بسيطة لحتى يستفيدوا من الخيرات تبع البلد، إن كان مناجم، إن كان بالطبيعة، إن كان الخشب. يحترق قلبي بس شوف في شركات عم بتقصّ الشجر وتأخذهن. كانوا ياخذوهم على أستراليا. غابات ع حيلها، عم بيقصّوهم كانوا. بقي، إنشالله يكونوا... مثل ما قلناك، مرّة بالطيارة كمان، قاعد حدّ شخص، وقلّي عم بترجم الBible، خبرتك ياها؟ no؟ ممم، بتعرفي بالطيارة، بيقعد الواحد، أجانب، شو عم تعمل هون؟ شو عم تعملي هون؟ بلابلا، بتعطيه business card، بيعطيك business card، المهم، هيدا، خبرته شو عم بعمل، قلناك "إنت شو عم تعمل؟"، قلّي "أنا عايش..."، سمالي المنطق، منطقة very remote، كثير بعيدة، ويا دوب فيها كمّ زلمة. قلّي "نحن منترجم الBible". أنا مثل، بفنكر، حنكي نزل، قلناك "عم بتترجموا الBible؟"، قلّي "yes"، يعني، يمكن وقف شعر راسي، ما بعرف شو صابني، في 800 لغة بتتحكي ببابانويغيني، ليه؟ لأنو معزولين المناطق، قدّ ما الطبيعة تبعولها عرجة، ووديان وجبال، ما في طرقات بتوصل ضبعة بين الضبعة الثانية، في كثير محلات بالطيارة بتروحيلهن، هالعزلة هيدي، خلّتهن يضلّوا هتي بلغتهن، قلناك "في dialect 800 هون ببابانويغيني، طب بدكن تترجموا الBible ل800؟"، قلّي "no, we're trying"، قلناك "طبّ مشّ أحسن بدل ما عم تحطّوا هالمصاري، عم تترجموا الBible، بتساعدوهم حتى يساعدوا حالهن؟ لك علموهم الزّراعة، علموهم، فتحولهن مستوصف!"، ما إستو عبتها إنو، مع إحترامي للBible، مشّ عم بحكي شي ضدّ الBible، بسّ حسيت إنو، بفنكر شغله مشّ للBible، هيدا غطاء لقصص ثانية بيعملوها. بسّ طفولوا، بسّ هيدا اللي وقتها كثير إستغربتها. أول ما وصلت على Wewak، [تسعل]، نهار أحد قلت يا دلال، قومي تمشي، وتفرّجي على المنطقة اللي رح تعيشي فيها. رحت تمشيت، أوف، كنايس، كنايس، يي، يا عمّي كلها بلدة صغيرة يعني، أخ، الbaptists، والcatholics، والseven-day adventists، والjehova's witness، و... للحقيقة، بصراحة، حسيتها تجارة، وكلّ واحد عم يجربّ يشدّ هالlocal person لكنيستة هو. ممم، ما نقبلتها لأنو مشّ قصّة إنو... نغيرهن، طبّ ما في إنشاس نحن منتعلّمها منهن، بسّ عدد هالكنايس يلي كانت موجودة ههناك كثير إستغربت فيها. ممم، وبتذكر فتت عالكنيسة، يسوع عالصليب أسود، and كان أول مرّة بشوف المسيح عاملينه أسود. بعدين قلت أنا well معهن حقّ، هتي بدّهن يرسموا، بدّهن يعملوا المسيح على صورتهم، ومين بقول إنو لأ؟، مع إنّه هو كان من هون، يعني، مئوش أسود، بسّ إذا بيرتاحوا فيها هالفكرة، بتقربهن ليسوع، that's fine.

ي.أ.: بتحسي إنو يمكن بترجعي بتحبي تزوري هيدا المكان؟

د.ف.: [01:13:55] ممم، ليش لأ، يمكن لّ شوف شو التغيرات اللي صارت، لأنو أيام إذا بتزرعي حبة، وهيك بشبهها أنا، زرعت حبة، بدّي شوف إذا كانت... نضجت، طلعت، يما ماتت. ممم، yes، إذا بصرتي، بروح بزورها.

ي.أ.: في شغلة حكيتها هلق من شوي عن قصّة بالطيارة مع شخص. في كثير عالم بتصير معهن كثير قصص بالمطارات، بالطيارات، وإنّ حدّا كثير بيسافر يمكن، عندك كثير تجارب، في شي معين عالق بذاكرتك عن حادثة صارت معك بمطار، بطيارة، ناس تعرّفتي عليهم، شي صار معك؟

د.ف.: [01:14:52] أنا بالإجمال بالطيارة بحبّ إقعد لحالي، يعني ما إلي خلق إقعد حديث لأنو عادة السقرات بتكون طويلة كثير بسّ روح على أستراليا. 12 ساعة، فإذا ما زبطت هالشخص اللي قاعد حدك و12 ساعة بدك تحكي معهن، بقي بفضلّ أعمل حالي عم بقراً أو شي [تضحك]، and إذا كم كلمة إنحكيت، يعني بتعرفي عادة الشخص من أولها، إذا interesting, no problem، بسّ إذا لقيت رح يكون وجع راس، بعمل حالي نايمّة، بعمل حالي عم بقراً، بسّ في مرّة ب، كمان ببابانويغيني، لأنو الlodge اللي كنت ساكنة فيه، منزليّني فيه، دغري بتقطعي الطريق، يمكن خبرتك ياها، بعنذر إذا في إنشيا عم ردها، [تسعل]، بقطع الطريق بصير بالمطار، بقي صاحبة الlodge عزممتني عالغذاء، خبرتك يها يمكن؟، anyway، قالتلي "دلال في وقت بعد للطيارة، قعدي تغديّ معي، وهلق الشوفير بياخذك الشنط، وبيعملك check-in"، [ردّيت] "أوكيه"، قعدنا، حطت كباية بيّرة، وعم تنغديّ، ومش عارفة شو، وإلا بيجي حدّا راكض، عم يقطع الطريق، وجاية على الموتيل [motel]، ممم، يقلي "ناطرينك بال--، الطيارة ناطرتك"، قلناك "what؟"، يي، تطلّعت بالساعة، تاري ملهية أنا وياها، عم نحكي، صار الوقت إنو إطلع بالطيارة. مشّ مشكل، قطعت الطريق، وصلت لهونيك، طلعت بالطيارة، وعم بلهت من الرّكض، في محلّ، في ستّ قاعدة، ومحلّ قدامها، بقي، مشّ عم بتطلّع مين في، مين ما في، وقعدت. مين طلعت؟ وزيرة الشؤون الإجتماعية [تضحك]. وقت اللي أخذت نفس، وتطلّعت، "يي! لك هيدي الوزيرة"، وأنا قاعدة منطرتها بالطيارة لحتى حضرتي خلّص غداء وإجي، يعني هيدي ما بتصير بأيّ بلد، الطيارة ناطرتك، ووزيرة الشؤون الإجتماعية قاعدة بالطيارة وناطرتني، so، هالقصص هيدي الunusual اللي كانت تصير معي.

ي.أ.: ممم، أي وحدة من كل هول التجارب أكثر شي يمكن عالقَة براسك؟ يعني حكينا عن مراحل بسوريا، وبلبنان إنت وصغيرة، ورجعتي سافرتي، ورجعتي جيتي ع لبنان، ممم، أو يمكن شغلَة صغيرة من كل مرحلة أكثر شي علقانة براسك؟

د.ف.: [01:17:30] مش هين هيدا السؤال، كأتو عم تسأليني "مين من ولادك بتفضلي؟"، لأتو كل مرحلة كان فيها، كان فيها روعتها، كان فيها ذكرياتها، no، ما في فضل مرحلة ع مرحلة ثانية. no. كلهن بحبن، كلهن إلهن شي طابع مميز فيه.

ي.أ.: طب إذا بترجي ل، يمكن من أول حياتك، تحكي شغلَة صغيرة عن كل مرحلة باختصار؟ أو فيكي تبلشي من اليوم وترجي ل ورا، مثل ما بدك.

د.ف.: [01:18:11] بيلش، ممم، ال upbringing تبعولي كان strict بس كان حلو، فيه values كان، ممم، فيه discipline، فيه محبة، ممم، tough love أنا بسمّيه، يحبونا، بس بذات الوقت في شي ب قبالة بدنا نعطيه، مش، ممم، you know... بتذكر القصص اللي كئا نعملها، مثلاً، مرّة أنا و بنت عمتي، عندهن بابين هني لبيتهن، وكانت زابرة عمتي الثانية عندهن، طلعتنا لبسنا، تنكرنا يعني، ودقينا على الباب تبع الصّالون، محل--محل... يعني نعمل قصص بسيطة، نسلي حالنا باشيا كثير كثير بسيطة، ونضحك، وهديا. هيدي ال early stages. ال second stage كان adjusting to living in Lebanon، هيديك عم بحكي عنها كنت بالشام، بلبنان ال adjustment، ال different culture، ممم، different values، صار في حرية أكثر. ثالث مرحلة وقت اللي رحت على سوريا، بعيدة عن أهلي، ممم، في حرب [تسعل] I'm sorry، ومش عارفين إذا بعدهن طيبين، شو عم بيصير معهن... وبهالفترة توقّت الماما، كان كمان هيدي أول تجربة loss عندي، كثير كانت صعبة، ممم، رجعتنا ع حلب، كمان، حرب بلبنان، a different culture، different values، ال--، تجوزت، you know، المرأة بتخسر، هلق ال loss بس تحكي عن ال loss، هو مش بس ال loss of loved ones، ال loss of identity، يعني ما يعرف إذا في كثير نسوان بيختبروا هالشي هيدا اللي أنا إختبرته، بس حسيت خسرت هويتتي، يعني دلالة فرح صارت دلالة فرح بايرد، ممم، حتى هون بلبنان، يعني، الوحدة بتكون، ت نقول، ما يعرف، إسمها منى، بعد ما تتجوز، صارت إم توفيك، وصارت مرت ياسر، و...، يعني، بتشوف ال identity تبعولها، صارت معروفة إم فلان، ومرت فلان، هيدي مرقت فيها، ال loss of identity، وكمان إتأقلم لأتو جوزي إنكليزي، في كثير إشيا، ما في نكتة معه النكت اللي بنكتها مع اللبانية، لأتو مش رح يفهمها "what؟"، [برد عليه] "أوكيه، إنساها"، ممم، إذا رحنا عملنا shopping، هني معودين ببشترنا بس اللي منعوزه، يعني موزتين، هيدا اللي رح نعوزهن اليوم، نحنا معودين منزوح منعبي السلّة، منعبي ال trolley، هي إشيا بسيطة، بس بتعمل هيك... frustration. ممم، من بعدها البنات يمكن أحلى مرحلة، yes، أنا وعم [؟؟؟ غير واضح؟؟؟] من هلق، عم... إجتني الفكرة، أحلى مرحلة هيّ الأمومة. ممم، كنت ب إسطنبول، وكانوا بناتي الصغار تناتهن، وبعدين نقلنا على England، وبعدين على أستراليا. هيدي المرحلة هني وصغار، ما إلها ثمن. يمكن لأتو أعطيتهن حريتهن كمان، ممم، وإمبسط بس شوفهن هيك، مرّة فنت عالمطبخ، فاتحين الخزائن، مطعنين الطناجر على الأرض، وحدة حاطة مصفاية ع راسها، والثانية حاطة غطاء، و... ممم، يمكن أي إم ثانية كانت عيطت عليهن "بي، مخربين الدني، عاجقين المطبخ!"، ضحكت ضحك، أخذتلهن صورة، ممم، that was the best, the best. الأمومة. and... وبعدين نقلت ع أستراليا، كمان تغيير من أول وجديد [تضحك]، بتذكر أول ما وصلت -بتعرفي بيطلعوا الأفكار هو وعم يحكي الواحد- نزلنا عند سلفي، بقي، سلفتي أخذتني، قال قال عم تبرمني بPerth، وفي شي إسمه king's park، park طويل عريض، مشهور كثير هونيك، كثير حلو، وفيه native plants، في إشيا بس موجودة بأستراليا، مثلاً نوع زريعة مش موجودة بمحل ثاني، ال wild flowers تبعولهن، فت ماشيين بالسيارة، قالتلي "and this is a black boy"، [قات لحالي] "black boy؟" إتطلع أنا من هالشباك، بدّي شوف وين، بدّي شوف إنو هيدا، فكرته aboriginal، من السكّان الأصليين، عم يركض بال park يعني، وماشية ع مهله هني، عم بتطلع، قلتلها "I can't see black boy"، تاري black boy هو نوع شجرة بيسمّوها the black boy، هلق غيروا الإسم، بطّلوا مسموح إتو يسّموها ال black boy، [تضحك] [1:23:12] وبعدين قالتلي "and this is the Kangaroo Paw"، [قلت أنا] "Kangaroo Paw؟" يعني أصابع ال Kangaroo؟ قلت أنا "حرام، وشو صار بكفايته لKangaroo؟"، يعني قاتلينه، ومبيّنة بس إيدته؟"، طلع نوع ورد بيسمّوه ال Kangaroo Paw. يبقى هاالإختلاف بال you know، هيدي الإشيا اللي بتصير معي، اللي صارت معي أول ما عم إتأقلم على العيشة بأستراليا. بأستراليا، تنقلت بعدة مناطق، في مدن حبيتها، في أكثر من مدن، and، وبعدين خاتمة هالفترة من حياتي كانت لبنان، وهلق مرحلة جديدة كمان. يلاً، بعد شي 10 سنين، إعملي معي interview، بخبرك عنها [تضحك]. there we go.

ي.أ.: هلق أكيد بيضلّ الواحد يطلع معه قصص، القصص ما بتخلص بحياة الإنسان، ممم، يمكن هيدا أكثر شي بتذكره من أول مقابلة وهلق، في شي ثاني عبالك بعد تحكيه أو تشاركه معنا؟

د.ف.: [01:24:30] يعني، عم بيضيع فكري لأتو فآلة، وبقلب محروق، بسّ بدّي شارك معكن، خليكن... resilient, don't give up، لأتو ك شعب لبنانيّ بيستا هل كثير أحسن من هيك، كثير كثير أحسن من هيك، ما بتستا هلوا، بغضّ النّظر شو بيقلوا السياسيّة اللّي عند كلّ واحد، ممم، بسّ بتستا هلوا سلطة كثير أحسن من هيك، سلطة تقدرّ اللّبنانيّة، و I'm sure رح يحقّقها لبنان، إن كان اللّي عايشين هون أو بمساعدة اللّبنانيّة الكثار اللّي عايشين برّاء، رح يرجع لبنان أحسن ممّا كان، وبرجع بحتفل معكن.

ي.أ.: شكراً كثير دلّال للمرة الثّانية، ممم، إذا كان بعد بدّك تزيدي شي، أو خلص؟

د.ف.: [01:25:35] ما بعرف، إذا تذكّرت شي، بسّ، ممم، بيضلّ في كثير قصص يمكن نسيت خبرهن، بسّ هودي الأساسيين، حكينا فيهن، وأنا بتشكرك، وبتشكر المؤسسة كمان، و I'm glad عم تحتفظي فيهن، و you're sharing with them, you're sharing with me، لأتو مثل ما قلناك، الكتاب رح إكتبه، شي نهار، وهودي، هال material، لأتو طلع معي إشيا مشّ دائماً بتذكّر ها، ممم، بقى هودي بيكونوا ال resource file تبعولي [تبتسم]،

ي.أ.: شكراً كثير دلّال، كانت يعني للمرة الثّانية جلسة كثير ممتعة، وأكيد شكراً

د.ف.: [01:26:20] متواصل [تضحك]

ي.أ.: أكيد

د.ف.: [01:26:23] يلا، stay warm!

ي.أ.: you too!

د.ف.: [01:26:26] باي باي يارا، باي.

[نهاية التسجيل]